

**Ka Moporesidente  
Dieter F. Utchtdorf**

Mogakolodi wa Bobedi mo  
Boporesidenteng jwa Ntlha



# Thobo ya Modimo

**M**osadi mongwe a bidiwa Christa o kile a bo a berekela kompone e nnye ya peo. O ne a rata tiro ya gagwe. E ne ele motswedi o mogolo wa kgakgamatso gore peo e nnyenye eo a e rekisitseng e na le kgonagalo ya gore e iphetole go nna sengwe sa dikgakgamatso— e ka tswa ele kherote, khabeitshe, kgotsa le tota setlhare sa mokgwere.

Christa o ne a rata go nna kwa khomputareng ya gagwe a tsaya di theko le go araba dipotso. Mme nako nngwe o ne a amogela ngongorego eo e neng ya mo tshwenya.

“Dipeo ga di bereke,” moreki a bua. “Ke di rekile dikgwedi tse pedi tse di fetileng mme ga go na sepe le jaanong.”

“Ao di jwadile mo mmung o o siameng mme wa di fa metsi le lesedi le le tlhokegang?” Christa o ne a botsa.

“Nnyaa, ke dirile karolo yame,” moreki a fetola. “Ke rekile dipeo. Le kwantleng ga se, di *solofeditswe* gore di gole.”

“Mme ga o ise o di jwale?”

“Nnya ka Magodimo, Seo se tlaa raya gore ke tlatse diatla tsame leswe.”

Christa o ne a akanya ka ga se mme a tsaya tshwetso ya gore kaelo ya go jwala e tlaa tshwanelwa ke gore e kwadiwe. O ne a netefadisa gore kaelo ya ntlha e tlaa nna e e feng: “O tshwanelwa ke go sala morago ditaelo gore dipeo di tlhoge. Ga o kake wa di baya mo shefelong mme wa solofela gore di gole.”

Go ne go se sebaka pele ga ngongora e nngwe e mo tshwenya.

“Dipeo ga di ungwe,” moreki o ne a kaya jalo.

“A o di jwadile mo mmung o o siameng?” Christa a fetola. “Ao di file metsi a a lekaneng le lesedi la letsatsi?”

“Oo, ee,” moreki o ne a gatelela. “Ke dirile gotlhe—tota fela jaaka go bua mo paketeng. Mme ga di bereke.”

“A sepe se ne sa direga gotlhelele? A dine tsa tlhoga?”

“Ga gona sepe se se diregileng,” moreki a bua. “Ke di-jwetse fela jaaka ke kaetswe. Ke ne ke solofetse go nna le ditamati ka sefitlholo. Jaanong Ke maswabi fela thata.”

“Ema pele,” Christa o ne a fetola. “A ware o jwetse dipeo gompiano?”

“O seka wa nna yo o sa utlweseng,” ga araba moreki. “Ke di jwetse beke e e fetileng. Ke ne ke sa solofetse go bona ditamati ka letsatsi la ntlha, Ke ne kele pelotelele. Nte ke go bolelele, go nnile le go nosetsa mo gontsi le go ema gareng ga nako eo le jaanong.”

Christa o ne a itse gore o tlaa tshwanelwa ke go oketsa kaelo e nngwe: “Dipeo tse di dumalana le melao ya tsa tlholego (baeloji). Fa o jwala dipeo mo mosong mme o bo o solofela go ja ditamati morago ga beke, o tlaa nna ka maswabi. O tshwanetse go nna pelotelele mme o emele tiro ya tsa tlholego gore e diragale fa pele ga gago.”

Tsothle di ne tsa tsamaya sentle go fitlhela Christa a amogela ngongora e nngwe gape.

“Ke maswabi ka dipeo tsa gago,” moreki o ne a

simolola. “Ke di jwetse fela jaaka pakete ene e kaela. Ke di file metsi, ke netefaditse gore dina le lesedi la letsatsi, mme ka ema go fitlhelela di ungwa thobo ya tsone.”

“Go utlwala o dirile sengwe le sengwe sentle,” Christa o ne a bua.

“Seo sotlhe se siame,” moreki o ne a fetola. “Mme seo Ke se boneng ke Zucchini!”

“Dikwalo tsame di mpontsha gore ke dipeo tse o di rekileng,” Christa o ne a bua.

“Mme ga ke batle zucchini; Ke batla maphutshe!”

“Ga ke go sale morago.”

“Ke jwetse dipeo tsena mo tshingwaneng ya maphutshe— mmu o ne yo o ntshitseng maphutshe ngwaga o o fitileng. Ke ne ke galaletssa dimela malatsi otlhe, ke di bolelela ka fa eleng maphutshe a a mantle ao eyang go nna one. Mme mo boemong jwa maphutshe, a a kgolokwane, ale bosetlha jwa namoni, Ke ne ka bona, zucchini e e tala ele telele. Ngata ya yone!”

Christa o ne a itse gore mela ya kaedi ga e a lekana le gore go a tlhokega go bega molawana. “Peo e o e jwalang le nako ya fa o e jwala e laola seo tlaa se robang.

## **Molao wa Thobo**

Moaposetola Paulo o ne a ruta ka go roba ga Modimo:

“O seka wa tsietsega; Modimo ga go ikgatliwe ka ene: go nne sepe se motho a se jwalang, seo ke sone se a tlaa se robang.

“Gonne ope yo o ijwalelang senama o tlaa roba tsietsego; mme ope yo o jwalang Semoya o tlaare ka Semoya a robe botshelo jo bo sa feleng.

“Mme tla re sekeng ra lapisiwa ke go dira tse dintle: gonne ka paka ya teng re tlaa roba, fa re sa ithoboge” (Bgalatia 6:7–9).

Mo nakong ya bosheng, Morena o ne a re file bothale jobo tlaleletsang le lesedi mo molaong yo o o fetogeng:

“Go na le molao, wa taolo e e sa fetogeng o o dirilweng kwa legodimong pele ga ditshimologo tsa lefatshe le, o ka one tsothle masego a lomagantsweng ka one—

“Mme fa re amogela masego ape fela go tswa mo Modimong, ke ka kobamelo ya molao o o lomagantsweng le one.” (D&D 130:20–21).

Seo re se jwalang re a se roba.

Thobo ya Modimo e kgakgamatso eo e ka se keng e akanngwe. Go bao ba ba Mo tlotlang, masego a Gagwe a tla' ka bontsintsi jo bo nametsang, a gateletswe tlase, le go tshikinngwa mmogo, le go penologa. . . . Gonne ka selekanyo seo se betsang ka sone se tlaa lekannngwa go wena gape” (Luke 6:38).

Fela jaaka dipeo tsa lefatshe di tlhokana le perekelo le bopelotelele, go jalo fela ka masego a mantsi a legodimo. Ga re kake ra beela bodumedi jwa rona mo shelelong mme re solofele go roba masego a semoya. Mme fa re jwala le go otlala sekale sa efangele ka malatsi a botshelo jwa ba malwapa a rona, gona le kgonagalo e kgolo ya gore bana ba rona batlaa gola go ntsha leungo la semoya le legolo ka tlhwatlhwa go bone le mo dikokomaneng tse di tlang.

Dikarabo tsa Modimo go dithapelo tsa rona ga di nke di tla ka nako tsothle ka ponyo ya leitlho— fa gongwe ga di bonege di tla gotlhelele— mme Modimo o itse seo eleng go gaisa go bana ba Gagwe. Ka nnete, letsatsi lengwe re tlaa bona sentle thata; mme ka letsatsi leo re tlaa lemoga bomolemo le bopelotona jwa legodimo.

Kgabagare, sekgele sa rona le boipelo jwa rona bo bogolo ke go tsamaya mo dikgatong tsa Mongwarona le Mmoloki le go tshela bonolo le botshelo jo bo tlhohlilweng gore masego a a solofeditsweng le thobo e e boleng e e senang tlhwatlhwa ya Modimo e nne ya rona.

Seo rese jwalang, re a se roba.

Seo ke molao wa legodimo.

Seo ke molao wa thobo ya Modimo.

---

## **GO RUTA GO TSWA MOLAETSENG O**

Buisanya le bao o ba etelang gore molao wa thobo ya Modimo o tsena yang mo boitsalanyong, go sokologeng le bopaki, kgotsa tsa pereko le dikgele tsa thuto tsa bone. A o ka se bale le go akanyetsa dikwalo tsa tumelo tseo di amaneng le molao o, jaaka Diane 11:18; 2 Bakorintha 9:6; le Alema 32. Ba rotloetse go itibisa dikgele tse di fitileng mme ba tlhome dikgele tse di sha go bona maduo a tshiamo. Ba thuse go tlhabolola thulaganyo ya go dira ba sa fapoge gore ba sutlhelele maikaelelo a bone a sebaka se se telelele.

## Rulaganya Thobo ya Gago

**M**olao wa Modimo wa thobo ke gore fa re batla se-ngwe kgantele, re tshwanelwa ke go se berekela jaanong. Fa re batla go godisa tshimo, re tshwanelwa ke go jwala dipeo, re di nosetsa, le go di sireletsa mo mherong. Fa re sa dire jalo, ga rene re bona thobo!

Fa tlase fana ke palo ya mangwe “maungo” a a molemo ao o ka a batlang mo botshelong. Kwala fatshe dilo dingwe tseo o ka di dirang kgwedi e go go thusa gore o bone masego a.

- Legae le nang le boitumelo
- Thutego
- Ditsala tsemi Molemo
- Kolobetso le Tlhomamiso
- Bopaki jwa ga Jeso Keresete

© 2014 by Intellectual Reserve, Inc. All rights reserved. E gatisitswe mo USA.  
Tetla ya Sekgoa: 6/14. Tetla ya Thanolo: 6/14 Thanodi ya bo *First Presidency*  
*Message, August 2014*. Setswana. 10868 763



# Mmishene wa Selegodimo wa ga Jeso Keresete: Mesia

Tumelo • Lelwapa • Thuso

*Ka thapelo ithute tiriso e mme o batle go itse gore o ka abelana eng. Go tlhaloganya botshelo le thomo ya Mmoloki go ka oketsa jang tumelo ya gago mo go Ene le go segofatsa bao ba lebeleletseng ka thuto ya ketelo? Go bona molaetsa yo o montsi, ya ko [www.reliefsociety.lds.org](http://www.reliefsociety.lds.org).*

*Se ke bontlha jwa Melaetsa ya Ketelo e e mmalwa ee nang le dintlha tsa thomo ya Mmoloki.*

**D**ikwalo tsa tumelo di ruta gore re ka nna fa pele ga Modimo ka “bokgoni, le kutlwelobothoko, le mathhogonolo a Mesia yo o Boitshepo” (2 Nefai 2:8). *Mesih* ke lefoko la “Searamaki le Seheberwa leo le raying ‘yo o tloedilweng. . . . Mo Kgolaganong e Ntsha Jeso o bidiwa Keresete, eleng Se Gerika ele selekanyo sa *Mesia*. Go raya Moporofiti yo o tloeditsweng, Moperesiti, Kgosi, le Mogolodi.”<sup>1</sup>

Mogolwane Jeffrey R. Holland wa Khoramo ya Baaposetola ba ba Lesome le bobedi o ne a fa bopaki a re: “Ke itse fa [Jeso Keresete] ele Ene yo o Boitshepo wa Iseraele, Mesia yo letsatsi lengwe a tlang gape ka kgalaletsong ya bofelo, go busa mo lefatsheng ele Morena wa barena le Kgosi ya dikgosi. Ke itse gore ga go leina lepe le le filweng kafa tlase ga legodimo leo monna [kgotsa mosadi] a ka pholosiwang ka teng.”<sup>2</sup>

“[Jeso Keresete] ke Mmoloki le Morekolodi wa lefatshene,” go ne

ga bua Moporesidente Dieter F. Uchtdorf, Mogakolodi wa Bobedi mo Boporesidenteng jwa Ntlha. “Ke Mesia yo o solofeditsweng. O tshidile botshelo jo bo tletseng le go lefela dibe tsa rona. O tla nna ka metlha mo letlhakoreng la rona. O tlaa lwa ntwaga ya rona. Ke tsholofelo ya rona; Ke pholoso ya rona; Ke tsela.”<sup>3</sup>

## ***Dikwalo tse di boitshepo tse di tlaletsang***

Johane 1:38–41; 4:25–26, 40–42; 2 Nefai 6:13; 25:16–17

## ***Gotsweng Dikwalong tse di boitshepo***

Barutwana ba ga Keresete ba bomme e nnile basupi ba tiro ya Gagwe ele Mesia. Marea Magatalena e ne ele morutwana wa ga Jeso Keresete. E ne ele ene wa ntlha go bona “letlapa leo le neng le tserwe go tsweng mo lekesing” mo mosong wa Tsogo ya Baswi ya ga Keresete. O “ne a ntse kwa ntle ga lekesi a lela” morago ga go lemoga gore mmele wa Gagwe ga o sa tlhole o le mo phuphung.

Jalo “o ne a retologa kwa morago, mme a bona Jeso a eme, mme a sa itse gore ke Jeso.

“Jeso o ne are go ene, Mosadi, ke eng o lela? o batla mang? A ne a akanyetsa gore ke motlhokomedi wa tshimo, o ne a re go ene, Rre, fa ele gore o mo ntshitse fana, mpolelele gore o mo robaditse ko kae, mme Ke tlaa mo tsaya ke mo isa go sele.

“Jeso o ne are go ene, Marea. O ne a retoga, mme a re go ene, Rabboni; seo se rayang gore, Mong wame.” Marea o lemogile gore ga Se motlhokomedi wa tshimo mme ke Jeso Keresete, Mesia. (Bona Johane 20:1–17.)

### **DINTLHA**

1. Kaelo ya Dikwalo tsa Tumelo, “Messiah”; [scriptures.lds.org](http://scriptures.lds.org).
2. Jeffrey R. Holland, “The Only True God and Jesus Christ Whom He Hath Sent,” *Liahona*, Nov. 2007, 42.
3. Dieter F. Uchtdorf, “The Way of the Disciple,” *Liahona*, Motsheganong 2009, 78.

### ***Akanyetsa Se***

Ke eng fa go tlhokega go tlhaloganya tiro ya Mmoloki ele Mesia?